



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e-mail: info@voda.ba

Broj: **UP-1/21-3-40-521-3/24**
Datum: **02.12.2024. godine**

«Agencija za vodno područje rijeke Save» Sarajevo rješavajući po zahtjevu pravnog lica „HM TENAX“ d.o.o. Sarajevo-Ilidža, za donošenje rješenja o vodnoj dozvoli za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta kao posljedica rada pogona za rezanje i obradu kamena, izgrađenih u ulici Vlakovo 158, općina Ilidža, na osnovu člana 109. stav (2) tačka 1. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi:

RJEŠENJE o vodnoj dozvoli

1. Pravnom licu „HM TENAX“ d.o.o. Sarajevo-Ilidža, daje se vodna dozvola za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta kao posljedica rada pogona za rezanje i obradu kamena, izgrađenih u ulici Vlakovo 158, općina Ilidža, na zemljištu označenom kao k.č. broj: 1155/1 i 1155/2 K.O. Rakovica.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, odlukama i dr.
3. Vodna dozvola se daje na osnovu činjeničnog stanja utvrđenog pregledom dostavljene dokumentacije i izvršenim uviđajem na objektu, pod slijedećim uslovima:
 - 3.1. Da pravno lice „HM TENAX“ d.o.o. Sarajevo-Ilidža, obezbijedi da se sistem za prikupljanje i prečišćavanje kao i objekti izgrađeni u krugu predmetnog proizvodnog kompleksa, održavaju u funkcionalnom stanju i koriste u skladu sa namjenom i uslovima iz ove vodne dozvole.
 - 3.2. Da korisnik obavezno praktikuje suho čišćenje prije pranja vodom, da bi se uklonile nečistoće sa radnih površina, trošilo manje vode za pranje i time smanjilo zagađenje u otpadnim vodama.
 - 3.3. Da se nastali otpad na predmetnoj lokaciji prikuplja i privremeno odlaže u skladu sa važećim propisima o postupanju sa otpadom, a za zbrinjavanje istog potpiše ugovor sa ovlaštenom firmom za tu vrstu djelatnosti.
 - 3.4. Da se u skladu sa propisima iz oblasti zaštite okoliša vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo istjecanje i rasipanje opasnih i štetnih materija na tlo i u vode).
 - 3.5. Sadržaj (mulj) iz uređaja za prečišćavanje otpadnih voda i ostali otpad ne smije se odlagati na česticu «vodno dobro», odnosno u vodotoke i na njegove obale.
 - 3.6. Na predmetnoj lokaciji nije dozvoljeno indirektno ispuštanje otpadnih voda u podzemne vode.
 - 3.7. Investitor je obavezan pridržavati se svih mjera i uslova propisanih u saglasnostima i dozvolama, izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama («Službene novine Federacije BiH», broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16), Prilog 1. Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda, tačka 13. i 22. te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. U periodu važenja ove dozvole, korisnik predmetnog objekta, „HM TENAX“ d.o.o. Sarajevo-Ilidža, je dužan provoditi sve mjere i aktivnosti propisane istom.
6. Ukoliko radom predmetnog objekta dođe do šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.

7. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik objekta obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
8. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog kompleksa sa pratećim sadržajima obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
9. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
10. Ova vodna dozvola, shodno članu 117. stav (1) Zakona o vodama se daje sa rokom važenja od 5 (pet) godina od dana pravosnažnosti ovog rješenja.
11. Prije isteka važnosti ove dozvole, Investitor je dužan da podnese zahtjev za izdavanje nove vodne dozvole.
12. Ova vodna dozvola može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev.

Obrazloženje

Pravno lice „HM TENAX“ d.o.o. Sarajevo-Ilidža, zahtjevom broj: 8/10 od 08.10.2024 godine se obratilo ovoj Agenciji za donošenje rješenja o vodnoj dozvoli za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta kao posljedica rada pogona za rezanje i obradu kamena, izgrađenih u ulici Vlakovo 158, općina Ilidža, na zemljištu označenom kao k.č. broj: 1155/1 i 1155/2 K.O. Rakovica.

U provedenom postupku dostavljena je i pregledana sljedeća dokumentacija:

- A. Opšta dokumentacija:
- Rješenje o registraciji broj: 065-0-Reg-12-000043 od 19.01.2012. godine, izdatog od strane Općinskog suda u Sarajevu - ovjerena kopija,
 - Uvjerenje o poreznoj registraciji izdato 01.04.2009.godine, od strane Porezne uprave – Kantonalni ured Sarajevo-ovjerena kopija
 - Kopija uplatnice administrativne takse,
 - Rješenje o građevinskoj dozvoli broj: 03-23-7060/07 J od 12.02.2008 godine izdato od strane Službe za prostorno uređenje i komunalne poslove, Općina Ilidža,
 - Rješenje o upotrebnoj dozvoli broj: 03-23-5135/17 H od 25.01.2018 godine izdato od strane Službe za prostorno uređenje, Općina Ilidža,
 - Obrazloženje uz šematski prikaz snabdijevanja tehnološkom vodom pravnog lica „HM TENAX“ d.o.o. Sarajevo-Ilidža,
 - Rješenje o vodnoj dozvoli broj UP-I/25-3-40-486-3/18 od 05.11.2018 godine izdato od strane Agencije za vodno područje rijeke Save, Sarajevo
- B. Tehnička dokumentacija:
- Glavni projekat (knjiga IV) vodovoda i kanalizacije poslovnog objekta za obradu kamena u ulici Vlakovo 158, općina Ilidža, urađen od strane ArchDesing, Sarajevo, novembar 2007 godine-(uvid prilikom uviđaja).

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari i u skladu sa članom 12. stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata („Službene novine Federacije BiH“ broj 31/15, 55/19, 41/20 i 63/22), izvršen je obilazak predmetne lokacije i tom prilikom sačinjen zapisnik o uviđaju broj: UP-1/21-3-40-521-2/24 od 22.11.2024. godine.

- Uvidom u dostavljenu dokumentaciju i izvršenim uviđajem na licu mjesta može se konstatovati sljedeće:
- Predmetni pogoni za rezanje i obradu kamena su izgrađeni u ulici Vlakovo 158, općina Ilidža, na zemljištu označenom kao k.č. broj: 1155/1 i 1155/2 K.O. Rakovica.
 - Kroz centralni dio lokacije protiče potok Trnava i isti je zacijevljen.

- Na predmetnoj lokaciji se nalaze sljedeće cjeline: upravna zgrada sa izložbenim prostorom i prostorijom u kojoj je smještena CNC mašina, proizvodna hala za rezanje i obradu kamena, taložnici, manipulativne površine i drugi prateći sadržaji.
- Tehnoške otpadne vode nastaju u postupku obrade kamenih blokova te od spiranja radnih površina. Otpadne vode su opterećene suspendovanim i kamenim česticama.
- Tehnološke otpadne vode se sistemom kanala odvođe u taložne komore gdje se vrši taloženje sitnih čestica. Iz zadnje komore voda se preljeva u rezervoar-sabirna komora zapremine 30m³. U sabirnu komoru se dovodi i dio kišnice sa krova objekta i bunarska voda u slučaju potrebe dopune sistema za recirkulaciju tehnološke vode. Iz sabirne komore se preko pumpnog postrojenja vraća u proces proizvodnje.
- Na taložnim bazenima, prema priloženoj projektnoj dokumentaciji, nije predviđen preliv tehnološke otpadne vode u recipijent.
- U proizvodnoj hali postavljen je silos/postrojenje za tretman tehnološke otpadne vode i mulja koje nastaje u postupku tretmana.
- Podnosilac zahtjeva ne podliježe obavezi pribavljanja okolinske dozvole.
- Čišćenje mulja iz taložnika i njegovo zbrinjavanje se vrši od strane ovlaštene firme.
- Aktivnost rezanja kamena na starom dijelu predmetne lokacije je prestala tako da ispust iz starog taložnika u potok nije opterećen znatnim količinama suspendovanih čestica.
- Po izjavi podnosioca zahtjeva u dostavljenom obrazloženju uz zahtjev je navedeno da usljed znatnog smanjenja poslovanja, znatno je smanjena i potrošnje tehnološke vode tako da bunar koji je korišten je uklinut i van upotrebe.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07, 10/14 i 03/16).

Na osnovu dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodnom dozvolom u tački 3. dispozitiva Rješenja propisani uslovi u skladu sa odredbama članova 53. i 116. Zakona o vodama, člana 12. i 13. Pravilnika o sadržaju, obliku, uvjetima načinu izdavanja i čuvanja vodnih akata.

Na osnovu provedenog postupka konstatuje se da je podnosilac zahtjeva „HM TENAX“ d.o.o. Sarajevo-Ilidža, ispunio minimum uslova za izdavanje vodne dozvole za ispuštanje tehnoloških otpadnih voda te je riješeno kao u dispozitivu ovog rješenja.


Podnosilac zahtjeva je, na ime izdavanja ovog vodnog akta, izvršio uplatu federalne pristojbe iz tar. br. 43. Zakona o federalnim upravnim pristojbama i Tarife federalnih upravnih pristojbi („Službene novine Federacije BiH“, br. 6/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta: Behija Ahmedić, dipl.inž.tehn.

Po ovlaštenju
 Rukovodilac sektora za izdavanje vodnih akata

 Nihad Pezo, dipl.inž.građ.

Dostaviti:

- „HM TENAX“ d.o.o. Sarajevo-Ilidža, Ul. Vlakovo 158 Ilidža - Sarajevo
- ⊙ AVP Sava, ISV – Vodna knjiga
- Sektor 50
- Sektor 40, arhiva
- Oglasna tabla AVP-Sava Sarajevo